

# ЩИШИ ДУЪНЪЯ



1928-йисалай акъатзава

№26 (8734) арбе

12+

1-июль, 2020-йис.

Газет гъафтеда садра акъатзава.

Къимет 10 манат

Чи баркалуу районгъли, «Дагъустандин страховой фондунин документациядин къилин къуллугъ» ГБУ-дин руководитель, Россиядин Президентдин ва РД-дин Къилин грантин гъалибчи Мегъамедов Ислам Мурадович Дагъустандин Общественный палатадин членвиле хкъанава. Мубаракрай!

## ЖЕГЪИЛРИН ЮГЪ МУБАРАКРАЙ!

Гъуьрметлу жегъил дустар! Рикъин сидкъидай тебрикзава кез улкъведин жегъилрин Югъ! Им къуь, къенин школьникрини студентрин къетген сувар я. Чи райондин ва республикадин пакадин хушбахт югъ къуь чирвилерилай, энергиядлай, активвилерилай, карчивилерилай, къастунал клевивилерилай аслу я. Инанмиш я хьи, къелай чи уьмуьр хъсанвилехъ дегишариз алакьда. Къе чна илимдин, спортдин, экономикадин ва яшайишдин маса хилерани чи райондин жегъилрин агалкъунрал гъахъ-лудаказ дамахвава. Чи халкъдин хъсан адетар хуьзвай, бубайрин баркалуу крайилай чешне къачувай, диде-бубадинни муаллимрин тарсарал амалзавай къуьн пара къадар сагърай!



бажарагъ ва алакъунар ачухариз гъазур я. Алай муракаб девирда къуь рекъе, якъин, гъар жуьре четинвилер ва манийвилерни гъалтда, гъалатларни жеда. Абуьр къевай лайихлувилелди алудиз жеридахъ чна инанмишвалзава. Къилинди, четинвилерихъай киче тахъана, къастунал клеви яз виликди, гъалибвилехъди гъерекатна къанда. И месэлада чна кез чандин сагъвал, хъуси къуватрихъ инанмишвал ва гъар са карда агалкъунар тПалабзава.

«АХЦЕГЪ РАЙОН»  
МР-дин КЪИЛ  
О.М.АБДУЛКЕРИМОВ

## ЦУЪКВЕР ЭЦИГНА

З.ГЪАМЗАЕВА

24-июндиз райцентрда райондин руководстводи ва общественностдин векилри Ватандин Чехи дяведа телеф хъайи аскерар рикъл хуьнин лишан яз обелискдин цуьквер эцигунин мярекат квиле фена. Ада муниципальный райондин къил Осман Абдулкеримова, депутатрин райсобранидин председател Абдул-Керим Палчаева, райондин къилин заместителри,

гъазур хъанвай ва гъар жуьре серенжемар квиле тухун фикирдиз къачунвай. Амма пандемиядихъ галаз алакьалу яз арадал атанвай четин гъалар фикирда къуналди, улкъведин руководстводи Гъалиб-вилини Парад квиле тухун тавунин къарар къабулуна. Цуьквер эцигунин серенжем квиле тухудайла, адан иштиракчийрин хатасузвилини месэляри фикирда къунвай ва абурун арада талукъ тир мензил тунал амалзавай.



«Ахцегъ район» МР-дин культурадин, спортдин, жегъилрин политикадин ва туризмдин Управленидин начальник Къизтер Гъаниевади, райондин общественный Советрин председателри ва Жегъилрин парламентдин активистри иштиракна. Чехи Гъалибвилини 75 йисан юбилейдиз район мукъуьфиди

Муниципалитетдин руководитель Осман Абдулкеримова къватл хъанвайбурун фикир чи аскерал гъалтай гъаф къадар четинвилерал желбна. Тарих дегишарун патал бязибуру ийизвай алахъунри гъар са хизандин, улкъведин гъар са агъалидин намусдик хкъуьрзава, – лагъана ада.

М.НАРИМАНОВ,  
райондин ТИК-дин член

## СЕСЕР ГУН КЪИЛЕ ФИЗВА

Гъеле 25-июндилай райондин сечкидин 31 участкади РФ-дин Конституциядик алавар кухтунин рекъай сесер гун патал гъуьгуьл авай райондин агъалияр къабулзавай. Райондин Общественный палатади гуьзчийр яз 75 кандидат къалурунава ва абурув виридав удостоверениярни вахканва. Инин председател Али Исмаилов, дишегълийрин Советдин председател Таира Мустагъова, Жегъилрин парламентдин председател Рустам Шакиров ва райондин культурадин Управленидин спортдин, жегъилрин политикадин ва туризмдин отделдин къилин пешекар Айвар Насиров общественный гуьзчийр къвалахдив эгечлуни къайдадихъ галаз таниш хъун патал вилик квай юкъуз территориальный сечкидин комиссиядин председател Байрам Бабаевахъ галаз гуьруьшмиш хъана. Ада къейд авурвал, сечкидин комиссиядин членри, общественный гуьзчийри ва сесер гуна иштиракзавай агъалийри чпини, сифте нубатда, РФ-дин Роспотребнадзорди къалурунавай санитариядинни эпидемиологиядин къайдайрал амал авун лазим я.



Къилди къачуртла, гуьзчийрив участкада хъунин вахтунилай аслу яз са шумуд жуьт маскаяр, антисептикар ва цин запас хъана къанда. Абуруз сечкидин участкариз удостоверение ва РФ-дин гражданиндин паспорт къалурайла къедай ихтияр ава. Идалайни гъейри, общественный гуьзчийриз сечкидин яшикриз муьгуьур ядайла, сесер гун квиле тухудайла, сечкичийрин сесер гысабдайла ва сесер гуни негъижайрин гъакъиндай протоколар туькуьрдайла сечкидин участкажедай ва гъакъини тестикъарнавай маса документрин копияр къачудай ихтияр ава.

«Чун тарихдин чъехи вакъиадин вилик ква ва ада яшайишдинни экономикадин рекъай вилик финин карда чи обществодин гележег

тайинарда. Гъавилай чун сесер гун квиле тухунин кардив еке жавабдарвилелди эгечлуьн лазим я», – лагъана Али Исмаилова.

Коронавирусдин инфекциядик азарлу хъунин дуьшуьшрин вилик пад къунин мураддалди 25-июндилай районда къвалерай эгечлу тавуна сесер гуни къвалах тешкилна. Сечкидин комиссиядин членри чпис къвалерай эгечлуидай мумкинвал авачир агъалийрив махсус къватлалар агакъарна. Абурук азардикай жуважув хуьдай такъатар, бюллетень ва са сеферда ишлемишдай ручка акатзава.

Комиссиядин членар агъалийрин патав къедайла жува-жув хуьдай серенжемрал къелериле амалзава. Гъар юкъуз райондин цудралди агъалийриз – яшлу инсанриз ва чпихъ сагъламвилини рекъай сергъятламишнавай мумкинвилер авай агъалийриз улкъведин къисмет гъалуни карда иштиракдай мумкинвал жезва. Къейдин, районда 18 агъзурдав агакъна сечкичи ава. Сесер гуни къвалах 25-июндилай башламишнава. Ам сесер гудай 1-июлдалди давам жеда. Сечкидин вири участкари пакаман сятдин 8 далай нянин сятдин 20 далди къвалахзава.

## ЧИ ВАТАНЭГЪЛИЯР – ГЪАР САНА

# ЛАП ХЪСАН ДУХТУР

ЧИ КОРР.

Къве йис идалай вилик чна газет къелзавайбуру РФ-дин лайихлу духтур, медицинадин илимрин доктор, здравоохраненидин хиле гъаф йисара зегъмет члуьгунвай ва и кар гъакъисагъвилелди давармарзавай Хийир Тагъирович Абдулкеримовахъ галаз танишарнай.

Ийкъара Хийир Абдулкеримовахъ хъанвай мад са чъехи агалкъуникай адан ярар-дустари чав хабар агакъарна. Малум хъайивал, 2020-йисан Вирироссиядин духтурин конкурсдин «Лап хъсан оториноларинголог» номинацияда Х.Абдулкеримова сад лагъай чка къуна. 36 номинациядикай ибарат чъехи конкурсда санлай 526 лайихлу духтурди иштиракна. Гъалибчийр и ййкъара РФ-дин здравоохраненидин министр Михаил Мурашкодин председател-вилик квай конкурсдин къилин комиссияди тайинарна.

Ахцегъ райондин Калукрин хуьрай тир Хийир Абдулкеримов 1986-йисалай Уралда яшамаш жезва. Ина ам оториноларингологиядин ва нейрохирургиядин рекъай твар-ван авай пешекар, Уралдин федеральный округдин ва Свердловскдин областдин къилин отоларинголог, Уралдин гъукуматдин медицинадин академиядин профильный кафедрадин заведующий, профессор, Екатеринбургдин 40-нумрадин ГКБ-дин оториноларингологиядин отделенидин заведующий я.



Пешедин рекъай сифтедай духтурди Тюменда, Агъа Тагилда къвалахна, гуьгуьнлай ам Екатеринбург шегъердиз акъатна. Медицинадикай хъсан хабар авай алим яз, Хийир Тагъировича 300 дав агакъна илимдин къвалахар, гъа жергедай яз 5 монография, студентар патал 15 пособие кхъена. Нуфузлу пешекар гъамиша къвалахдик, гъерекатдик ква. Ам нерай гипотиздин лап четин операцияр къилиз акъудзавай тежрибалу хирург я. Ихътин операцияр къилиз акъудиз жезвай хирургар чи улкъведа са акъван гъаф авач.

Хийир Тагъировичан регим-

лувиликай, дикъетлувиликай, бажарагълувиликай чпин патай интернетдин сайтда алхшидин гафар хкъизвайбуру ам Аллагъдин патай пай ганвай къетген пешекар яз гысабзава. Къейдна къанда хьи, Абдулкеримоври саки духтурин сихил арадал гъанва. Хийир Тагъировича уьмуьрдин юлдаш Зубейда Сейфуллагъовнадихъ галаз пуд хва чъехи авуна. Чъехи къве хвани духтурар я. Х.Абдулкеримова медицинадин илимрин кандидатвилини диссертация 1996-йисуз Санкт-Петербургдин С.М.Кирован тварунихъ галай Военно-медицинский академияда ва докторвилини диссертация 2003-йисуз Санкт-Петербургдин И.П.Павлован тварунихъ галай медицинадин госуниверситетда хвена.

Ам Россиядин оториноларингологрин илимдин къватлалдин президиумдин член, и рекъай Свердловский областдин ва Уралдин къилин пешекар, Свердловский областдин здравоохраненидин Министерствода оториноларингологиядин рекъай медицинадин къуллугъчийр аттестация авунин комиссиядин председател, гъа и пешедай РФ-дин Минздравдин бюродин член, Свердловский областдин патай Вирироссиядин «Объединение ЛОР педиатров» жемиятдин ассоциациядин член я. Хийир духтурди гъар йисуз вичин гъевчи ватандиз хъфидай мумкинвилерни жагъурзава. Чна Хийир Тагъировичаз къазанмишнавай цийин агалкъун мубаракзава. Къвай адахъ чандин сагъвал ва къвалахда мадни зурба агалкъунар хуьрай!

ХУЬРЕРИЗ – КЪУЛАЙВАЛ!

## РЕКЪЕРИН ЕРИ ХЪСАН ЖЕДА

М.НАРИМАНОВ

26-июндиз чкадал феи совещание кыле тухун ва рекъерин гьал ахтармишун патал «Дагавтодор» ГКУ-дин векилар Ахцегь райондиз мугьман хъана. Пешекарар иниз агун райондин руководстводи пудратчиди чкадин ва республикадин метлебдин рекъер кьайдада аваз хуьнин кваллахар кылиз акьуд тавун себеб яз са шумуд сеферда арзаяр рекъе туних галаз алакьалу тир. Гьа икI, райондиз «Дагавтодор» ГКУ-дин

гьакьикьатда сирнавдай кьайдада финиз мажбур жезва. «Калукрин хуьр» СП-дин кьил Жагьфер Жалилова лап чIуру гьалда авай муькьуькьай рикIел хъана. Хуьруьн администрациядин кылиин заместителди лагьайтIа, Кьутункьарин хуьруьн терефдихь фенвай республикадин метлебдин рекъе кьир цун тIалабна. ГьикI лагьайтIа, ада Калукрин хуьруьн центральный куьче яз кьуллугьзава. Гьа ихьтин метлебдин месэляер «сельсовет Хрюгский», «Гутумрин хуьр» ва «Ухулрин хуьр» СП-рин кылерини кьарагьарна.

гьалар арадай акьудун энгел жезва ва нукьсанар гзаф вахтара амукьзава. Рекъер алай гьалдиз талукь яз «Ахцегь район» МР-дин депутатрин райсобранидин председатель Абдул-Керим Палчаева баянар гана. Ада хуьрерин кылерин тереф хвена ва республикадин метлебдин рекъер ремонт авун патал муниципальный бюджетдай такьатар харжун законсуз кар тирди кьейдна.

«Чкадин бюджетдин рекъерин фондунин такьатар чна гьар йисуз хуьрерин кьенепатан метлебдин рекъер ремонт авуниз ва эцигуниз ракурзава, – давамарна ада. – ИкI, «Зи Дагьустан – зи рекъер» программадай, софинансированидин сергьятра аваз чна алаатай ва гьамни цинин йисуз Ахцегьрин хуьруьн центральный куьчейра кьир цаза. Идалайни гьейри, транспортдин налогдин гьисабдай (амни гила муниципалитетда амукьда) чна Гьажи Ахьтнскидин тIварунихь галай куьчеда тамамвилелди кьир цун фикирдиз кьачуна. Идалай вилик ихьтин кваллахар райондин хуьрерин са шумуд куьчеда кылиз акьуднай. Амма республикадин метлебдин рекъерин гьал аквазвай райондин агьалийри чалай наразивал кьалурзава. Абуру а кар кьатIузвач хь, и участокрин ремонт кыле тухун чи ихтиярда авай месэла туш. Чавай чпивайни аварийный гьалар арадал атай дуьшуьшда пудратрин teşkilatдин руководителдиз зенг ийиз жезвач. Зирзбил хутахунин месэладихь галаз санал и кардини чкадин гьар са агьалидик кьалабулукь кутазва.

Кьве кьурулушдин – рекъерин кьуллугьдин ва зирзбил хутахунин рекъий региональный оператордин кваллах дибдай хьсанарунин игьтияж ава. Им конкурсда намуслу тушир пудратчиди иштирак авуниз нетижа я. Гьа са вахтунда Ахцегь районда «ДЭП-4» карханадивай менфятлудаказ кваллахиз жеда. ГьикI лагьайтIа, и teşkilat тамамвилелди техникадалди таьмин я ва адавай энгел тавуна чарасуз тир кваллахар кылиз акьудиз жеда. Чазни нивай истемисдатIа чир жеда. И дуьшуьшда чаз пудратчи жагьурунин, ам гуьзетунин ва 2 йисуз кьез чарар кьынин чарасузвал амукьдич. Чун а кардихь умудлу я хь, и месэла гила хьайитIани гьялда.

«Дагавтодордин» кьуллугьчияр райсобранидин председателдин рахунрихь галаз рази хъана. Пешекари инал кьарагьарнавай месэляер дикьетдиз кьачуна ва абур гьялуни карда атанвай мугьманри вири патарихьай куьмекар гун хиве кьуна. Совещанидин нетижайрай вичин хивевай контрактдин мажбурнамай кылиз акьуд тавунихь галаз алакьалу яз пудратдин teşkilatдихь галаз авай икьрар кьуватдай вегьинин процедурадин эвелдин гьакьиндай кьарар кьабулна.

Абдул-Керим Палчаева райондин руководстводин ва агьалийрин тIварунихьай мугьманриз райондиз агунай ва адан дердийриз дикьет гунай чухсагьул лагьана. Депутатвиллин корпусдин председателди талукь тир кьарар кьабулуник ва хиве кьунвай вири мажбурнамай тамамвилелди кылиз акьуддай пудратдин teşkilat тайинаруник умуд кутуна.



руководителдин заместителар тир З.Умаханов ва Х.Рагьимов, гьакIни и карханадин отделрин начальникар атана. Ахтармишзавай вахтунда тайинар авурвал, «ДРСУ-77» ООО-диз идалай вилик кьалурнавай кимивилер гьелени арадай акьуднавач. Пудратдин teşkilatди регламентдин кваллахарни – фураар ахцIурдай ремонт, рекъеривай яд кьакьуддай имарат кIвачел ахкьулдун, яд ахьайдай трубаар ва муькьверин имаратар миьхун, рекъерин кьерехар ва машинар фидай пай профилировка авун, рекъер авахьнавай шимерикай ва кьванерикай миьхун, рекъера авай лишауриз ва тIебии тушир имаратриз ширер ягьун ва масабур кылиз акьуднавач.

Идалай кьуллукь Ахцегь район МР-дин администрациядин заседанийрин залда райондин муниципалитетдин руководстводин векилрихь ва хуьрерин кылерихь галаз «Дагавтодордин» пешекаррин совещание кыле фена. Абуру гуьгьуьл авай гьар садаз пудратдин teşkilatдин кваллахдин гьакьиндай вичин фикир лугьудай ва рекъер алай гьалдихь галаз алакьалу тIал алай месэляер кьарагьардай мумкинвал гана.

«Фиярин хуьр» СП-дин кьил Шамсуллагь Азизова хуьруьз фидай рехь муькьвал-муькьвал кьванер авахьуналди кьайдадай акьатзавайвилел ва и карди дагьлукь хуьруьн гьакIдани залан уьмуьр четинарзавайвилел фикир желбна. Идалайни гьейри, муьгь тахьунихь галаз алакьалу яз, хуьруьнгилияр чпин квалериз гзаф йисара

«Сельсовет Ахьтнски» СП-дин кьил Низами Эфендиева рекъерин кьуллугьдин пешекаррин фикир райондин центрдин территория ва адан кьерехар тирвал фенвай республикадин метлебдин рекъер авай гьалдал желбна. Ада хабар гайивал, инициативный дестейри хуси такьатрин гьисабдай рекъера авай фураара цементдин раствор цузва. Имни виже кьведай кар туш, вучиз лагьайтIа пудратчиди кьейднавай кваллахар пул кьачузва ва и месэляни «Дагавтодор» ГКУ-диз талукь я.

Хуьрерин кылерин теклифриз талукь яз мугьманри кьейд авурвал, 2020-йисуз Калукрин муькьвел адан кар алай конструкцияр мягькемарун патал гьар йикьан ремонт кыле тухуда. Идалайни гьейри, и муьгь ихьтин жуьредин муькьвер ремонт авуниз рекъий федеральный программадик кутуна ва кьведай йисалай имарат капиталный ремонт авун патал герек тир документация гьазурда ва экспертизаяр кыле тухуда. Гьа са вахтунда 2023-йисалди Ахцегь райондиз гьахьзавай рекьин участокда кьир цун фикирдиз кьачуна.

Совещанидин вири иштиракчийри пудратдин teşkilat тир «ДРСУ-77» ООО-ди рекъер кьайдада аваз хуьнин кваллах гьилий вегьинин месэладиз кьетIен фикир гана. Хуьрерин вири кылерин рейсавилелди рекъерин кьуллугьдин кваллахдилай наразивал кьалурна. Абуру кьейд авурвал, и teşkilatдин тахсирдалди аварийный

## ЧИР ХЪУН ХЪСАН Я

□ **Кьил элкьезвайла**, 300 г серг миьхна, банкадиз вегьена, винелай банка ацIудалди эрекь илична, кьве гьафтедин вахтунда мичIи чкада эцигда. Ахпа йикьа са сеферда и кьаришмадин 20 стIал истикандин кьатIа авай некIедиз вегьена хьвада. Са вацIалай кьил элкьуьн ва тIа хьун миьхиз квахьда. И рецепт гзаф нетижалуди я.

□ **Мекьни хъана**, хур тIарзавайла, анардин мижедиз яд яна, ам гьалвадихь галаз хьун меслят кьалурзава.

□ **Нерай нефес** чIугваз тежезвайла, гайморит авайла, 300 г миьхи авунвай серг як регьведай машиндай авадарна, са литр эрекь илична, 21 юкьуз, вахт-вахтунда юзуриз, мичIи чкада эцигда. И кьаришма са кьапуниз ичIирда, ахпа ам нерин гьар са хилез 2-3 стIал вегьеда. Идалайни гьейри, фу тIуьрдалай гуьгьуьниз хуьрекдин са тIуруна авайди некIедихь галаз хьвада.

## КЪАЙДАДИЗ ХКИЗВА

Р.МУРСАЛОВ

Ахцегьрин хуьре «Зи Дагьустан – зи рекъер» программа кылиз акьудунин сергьятра аваз хуьруьн кьенепатан метлебдин рекъер аваданламишунин кваллахар кыле физва. Кьейдин, гьилевай йисуз винидихь кьалурнавай программадин бинедаллаз, Ахцегь районда райцентрдин куьчейрин са шумуд участок ремонтзава. Кьилди кьачуртIа, А.Байрамован (1000 м.), Ленинан (200 м.), Ю.Герейханован (150 м.) тIварарихь галай куьчейра кьир цун фикирдиз кьачуна.

Идахь галаз алакьалу яз, Ахцегьрин хуьруьн рекъерин кьилдин участка ремонтдин кваллахар башламишнавайвилей транспортдин гьерекат сергьятламишнава. Гьа икI, залан техникадин кваллахдихь галаз алакьалу яз, Герейханован тIварунихь галай куьчеда (150 м.) – «Гьакьар» мягьледилай А.Аливердиеван тIварунихь галай куьчедал кьван, Ленинан тIварунихь галай куьчеда – «Ахьтнски» МО МВД-дин майдандалай Вагьид Вагьабован тIварунихь галай куьчедин кьекьуьндал кьван, А.Байрамован тIварунихь галай куьчеда – подьемдилай республикадин метлебдин рекьин кьекьуьндал кьван транспортдин гьерекат вахтуналди сергьятламишна.

Идалайни гьейри, Ахцегь Гьаждин тIварунихь



галай куьчеда тамамвилелди кьир цада. И куьче аваданламишунин рекъий кваллахар райондин бюджетдин такьатрин гьисабдай кыле тухуда. Абуру алаатай йисан транспортдин налог кIватIунин гьисабдайни арадал атана. ИкI, 2019-йисуз кIватIнавай транспортдин налог муниципалитетдиз сифте яз субсидированидин жуьреда вахкана.

## МЯРЕКАТРИН ЧАРХАЧИ ЧИ КОРР.

Урусатдин хейлин шегьера хьиз, Краснодардани фадлай яшамиз жезвай лезгийр тIимил авач. Хайи чиливай яргьа хьанватIани, абуру чеб авай чкайра милли адетар, халкьдин чIал ва меденият хуьзва. Ихьтин ксарикай сад Нажмудин Велединович Муртузов я. Ам 1973-йисан 9-январдиз Ахцегь райондин Фиярин хуьре дидедиз хъана. 1990-йисуз ана юкьван мектеб куьтягьна, 1991-1993-йисара РФ-дин яракьлу кьуватрин жергейра кьуллугьна.



1993-1994-йисара ада «Евразия турс» ООО-дин директордин заместителвал авуна. Хьсан чирвилер, кьатIунар ва рикIе чIехи мурадари кьастар авай жегьилди гзаф крарик кьил кутуна. 1994-йисуз ам Кубандин госуниверситетдин юридический факультетдик эжечIна ва вад йисалай анаг агалкьунралди куьтягьна. Студент яз, 1995-йисуз Нажмудина Краснодарда сифте яз «Вуч? Гьина? Мус?» кьанажагьдиз талукь кьуьгьунин клуб teşkilatна ва адакай анин сад лагьай президент хъана. Университетда кIелдай йисара юридический факультетдин спортдинни медениятдин вири мярекатар адан гуьзчивиликни жавабдарвилекь квай. Краснодардин КВН-да Нажмудинан регьбервилекь хьайи «Кьанундин сергьятар — Краснодардин юристар» дестедикай галаз-галаз кьве йисуз (1998-1999) шегьердин гьалибчи хъана.

Кьисметди Махачкьаладиз ахкьудай жегьил пешекарди 1999-2002-йисара «Атом» ЗАО-да, гуьгьуьнлай кьве йисуз «Юждаг» МУП-да — юрист, 2009-йисалди «Теплоэнергетик Росоюзстрой» ООО-да чIехи юрист-меслятчи яз кьваллахна. 2003-йисуз Краснодарда «Дагьустандин цIилинин машгьур пагьливанар» тIвар алаз Нажмудин Велединовича teşkilatлай ансамблди федеральный каналрин телепроектра Дагьустан Республикадин ва Краснодардин крайдин патай иштиракзава, чпин алакьунар РФ-дизни, СНГ-дизни раижзава. Исята цIилинин пагьливанрин дестедил «Росэкстрим» тIвар ала. ДагIана teşkilatчивилин крар бажармишзавай ватангьлиди 2005-йисуз «Самур-Кубань» тIвар алай футболдин команда арадал гьана.

Халкьдин ватанпересди 2014-йисалай Краснодардин крайдин лезгийрин жемьятдин teşkilatдин (ККОО) председателдин заместитель яз зегьмет чIугваза. Медениятдин мярекатар teşkilatунин, кыле тухунин жигьетдай адахь лап хьсан алакьунар ава. Нажмудинан хизанда рушни гада чIехи жезва.

Краснодарда авай чи ватангьли, блогер ва карчи Заур Балакшиева Нажмудин Муртузован гьакьиндай икI лугьузва: «Адахь галаз зун 15 йис идалай вилик, Краснодарда авай лезгийри Яран суварин мярекат кыле тухудайла, таниш хъана. Ам милли мярекатар teşkilatуник кьил кутазвай, вичи тамадавални ийизвай инсан я. Адан гафарихь яб акалайла, гуьгьуьнлай ада кыле тухузвай крарикайни чир хьайила, аз ам рикI миьхи, милливилехь ялзавай ватанперес тирди чир хъана. Ам халкьдин месэлярикая, тарихдикай, медениятдикай хабар авай кас я».

Кьуй чи ватангьлияр, гьина аватIани, сагь ва шад, чпихьни еке агалкьунар хуьрай!

## ЭЛЛА ПАМФИЛОВАДИ ДАГЪУСТАНДИЛАЙ РАЗИВАЛЗАВА



– Заз кваллахда куьн гни жуьредин четинвилерал расалмиш жезватла ва куьн абурай гьикл лайхлувилелди экъечизаватла, хъсандиз малум я. Гъавилай чун кез куьмек гузни гъазур я. Чна Дагъустанда уьлкведин Конституциядик алаваар кухтунин рекъай сесер гун киле физвай гъалдилай разивалзава, – лагъана РФ-дин ЦИК-дин регъберди. В.Васильева Э.Памфиловадин гафар хушвилелди къабулна ва «гъакъисагъ зегъметдай» адаз чухсагъул лагъана.

Конференциядилай къулухъ акъван екеди тушир брифинг киле фена. А вахтунда журналист Саркар Мегъамедова сесер гун тешкилунихъ галаз алакълу тир четинвилериз талуьк яз вугай суалдиз В.Васильева икI жаваб гана: «Жуван виликан коллегай-ривай заз ина четинвилер ава лагъай хътин гафар ван жезва. Куьн инанмиш хъухъ: гъакъикъат эсиллагъ масад я. Дагъустанда яратмишдай кваллахдал рикI алай ва ислъгъвилез еке кыммет гузвай лап хъсан инсанар яшамиз жезва. Абуру чпин ватанпересвилер ерияр гъеле 1999-йисуз, международный терроризмдин нягъс ниятар кур авур вахтунда хъсандиз малумарна. Къейдин, массовый информациядин такъатри гъаф вахтара чина авай бязи татугайвилер раижзава. Амма санлай къачурла республикада авай гъалар дурумлубур я».

«Черновик» газетдай

Россиядин ЦИК-дин кьил Элла Памфиловади малумарайвал, Дагъустанда уьлкведин Конституциядик алаваар кухтунин рекъай сесер гун киле физвай гъалдилай ам рази я. Уьлкведин ЦИК-дин килевай касдин и жуьредин гафари, аквар гъаларай, РД-дин Кьил Владимир Васильеван руьгъ хъажнава. Адаз регионда и жигъетдай четинвилер акъазва. И йикъара уьлкведин регионрихъ галаз киле тухвай видеоконференциядин вахтунда Элла Памфиловади чи республикадин регъбердин адресдиз хуш гафар лагъана. Вич Владимир Васильевахъ галаз фадлай таниш тирди къейд авунихъ галаз санал ада Дагъустандин Къили ина вири крар къайдадик кухтун патал вичин хивез еке жавабдарвал къачунвайди рикел хкана.

## ТОРПЕДАЯР ЯРАТМИШУНИКАЙ СУБЪБЕТНА

Санкт-Петербургда «Дагдизелдин» торпедаяр туькьурунин рекъай илимдинни теориядин лаборатория яратмишунин чешмейрин гъакъиндай субъбетна. Ина «Цин

лайхлу пай кутуна. Проектированидин теориядин кафедради ва САПР-ди и кваллахда важблур роль къугъвазай. Адан сергытра аваз вирисоюздин «Фролов-Алиев» семинар кардик квай.



кЛаникай фидай гъуьлуьн яракъ» тIвар алай илимдинни техникадин кIватIал акъатнава. Ина дуьньядин тIвар-ван авай алим Шамиль Алиева торпедаяр проектамишунин рекъай илимдинни теориядин лаборатория яратмишунин рекъай обзор ганва. СССР-дин ва Россиядин Федерациядин тIвар-ван авай алимрикай «Дагдизель» лабораториядиз мукъвал-мукъвал къведай мугъманар хъанва. Шамиль Алиев лагъайтIа, Россиядин гимияр туькьурдайбурун идеологдин сиягъда гъатнава. Вичи кIваллахзавай девирда лабораторияди Россиядин илимдик аквадай пай кутуна. Ам уьлкведин оборонадик бажарагълувал мягъкемарзавай механизмдин тайин тир пай хъана.

Вич вилик финин гъар жуьре девирра лабораторияди Дагъустандин образованидин къурулуш арадал гъуник ва вилик тухуник

Нижний Новгородда гъа ихътин къвед лагъай лаборатория кардик хъайиди ва инани экранопланар патал ахтармишдай полигон аваз хъайиди гъафбуруз чидач.

Важблуди а кар я хъи, «Дагдизель» лабораторияда киле тухузвай ахтармишунри шак алачиз къалурайвал, лап алай аямдин яракъар ва къурулушар туькьурун математикадин къайдайрал бинеламиш хъанва. Дуьмдуьз гъисабунар ва дерин ахтармишунар чи уьлкведин яракърихъ яргъал ийсар вилик аргуханвилер амуькунин замин я. Академик Шамиль Алиева ватандин илимдик кутур пай са шумуд 10 сеферда чи уьлкведи ва общественностди къейднай. 15 йис идалай вилик ракънин къурулушдин гъвечи планетайрикай садаз Шамиль Алиеван тIвар ганай.

Интернетдай

## АЯЛАР КТАБАР КИЛУНАЛ ГЪИКИ ЖЕЛБДА?

Ражаудин СУЛЕЙМАНОВ

Алай замандин чIехи пай аялри ктабриз итиж ийизвач. Бязи аялриз диде-бубади абуру кIелдайла яб акализ хуш я, амма чпиз кIелиз ашкъи авач. Къилдин аялриз кIелиз хуш ятIани, и кар эхирдал тухудай сабуру авач. Алай замандин аялар ктаб кIелунал гъикI желбда? Цийиз школадиз фейи аялриз, гъелбетда, четин я. Гъарф слогдиз, слог фафуниз, гаф предложениедиз элкъурдалди адан рикелай ана квекай рахазватIа алатзава. Школьникди гъикъван тIимил кIел авуртIа, гъакъван адан зигъин зайиф жеда ва кIелдай ашкъи квахъда.

Гъайифдин гъиссер арадал гъизвай кар ам я хъи, чIехи классра авай хейлин аялринни ктабар кIелунал рикI алач. ИкI вучиз я? Мумкин я, диде-бубади са шумуд йисаралди гъарай эвердал ам ктаб кIелуниз мажбурзавай. Гъавилай аялдин фикирда «ктаб» гаф четин зегъметдихъ галаз алакълу жезва. Бязи аялрихъ телефонда ва компьютерда ийизвай къугъунрин гъилай, ктабдиз фикир гудай вахт амуькъзава.

Ктабдин ва аялдин алакълу дуьз хъувун садрани геж туш, амма сифтени-сифте диде-бубайри ктабрихъ галаз чпин алакълу къайдадик кутун чарасуз я. Аялриз кIелиз кIанзавачIа, маса аялар чешне къалур тавуна ва чеб гъвечи вахтунда кIелунал рикI алайбуру тир гафар тикрар тавуна, жуван чешнедалди аялриз ктабрал рикI хъун къалурайтIа хъсан я. Ктаб кIелзавай аялриз сергытар эцигун герек туш, мисал яз, йикъа 5-10 чин кIелун. Школьникдиз вичиз хъягъдай ихтияр це. Мумкин я, са юкъуз ада са чин кIелда, муькуь юкъуз са кьил. Эгер кез аял галатна акъазватIа, ам мажбурун герек туш. Амма къведай сеферда кIел хъувунин икьар кутIутI.

Аялдик гъар юкъуз ктаб кIелдай хесет кутуртIа хъсан я. Эгер аялриз галкIин тавуна кIелиз чир хъанватIа, кIелун акъазарун герек туш. Акси яз, гъикъван хизанда ван алаз сада-садаз кIел авуртIа, гъакъван хъсан я. Аялриз ван алаз ктаб кIелдайла, гъар персонаждиз кьилди сес акъудур, дикъет желб-



дай араяр къейд ая. Чпи кIелдай вахтунда, абуруз куь амалар тикрар хъийиз кIан жеда. Аял дарих хъайи вахт хийирдиз ишлемиш ая. Месела, квевай адаз кино эгечIалди са гъикай кIелун теклиф жеда.

Гъелбетда, са школьникдизни каникулрин вахтунда партадиз ухшар затIунихъ ацуькьиз кIан жедач. Аялриз ич ва ктаб гъиле аваз азаддиз дивандал ацуькьдай ихтияр це. Ихътин кIелун аялди мектебдихъ галаз алакълу яз къазвач. Гила адаз ктаб кIелун мажбури кар ваь, къугъун я. Каникулрин вахтунда аялдив тек са мектебдин ктабар кIелиз вугун чарасуз туш. Абуруз чпиз кIелдай ктабар хъягъдай ихтияр це. КIелзавай къиса ва гъикай школьникдиз бегенмиш туштIа, эвез жагъурун вичиз теклиф ая.

Аял галаз ктабрин туькьвенриз, жуваз са ктаб герек я лагъана, мукъвал-мукъвал фин хъсан кар я. Туьквенда авай чIагай жилдер алай ктабрин къиямат акур аялди вичиз абурукай сад къачу лугъуз тIалабда. Ада кIелда лагъана гаф гайидалай къулухъ, са гъвечи хътин наразивал къалурна, адаз ктаб къачуртIа жеда. Мумкин я, ада ам эхирдал къван кIел тавун. Амма гаф гайивилай ада къилай гъикI хъайитIани ам кIелиз башламишда. Гъасятда нетижаяр гуьзлемишмир. Фад-геж къадар еридиз элкъведа ва аялриз вичин риклиз хуш литературадин жанр жагъида.

## ГОСУДАРСТВЕННОЕ БЮДЖЕТНОЕ ПРОФЕССИОНАЛЬНОЕ ОБРАЗОВАТЕЛЬНОЕ УЧРЕЖДЕНИЕ «АГРАРНЫЙ КОЛЛЕДЖ» ОБЪЯВЛЯЕТ ПРИЕМ СТУДЕНТОВ НА 2020-2021 УЧЕБНЫЙ ГОД ПО СЛЕДУЮЩИМ СПЕЦИАЛЬНОСТЯМ:

№	Специальность	Образовательная база	Срок обучения	Количество мест	Квалификация
1	29.01.07. "Портной"	11 кл.	10 мес.	25	Портной
2	15.01.05 "Сварщик"	9 кл.	2 года 10 мес.	25	Сварщик
3	110401.01 Мастер растениеводства	11 кл.	10 мес.	25	Мастер растениеводства
4	36.05.01 Ветеринария	9 кл.	3 года 10 мес.	25	Старший ветеринарный фельдшер

Поступающие сдают следующие документы: паспорт (копия), документ об образовании (подлинник), фотокарточки 3x4 (6 шт.), мед. справка, сертификат о прививках, мед. полис (ксерокопия),

справка с места жительства, справка о составе семьи, ИНН (копия), СНИЛС (копия), заявление.

Прием документов с 01.06.2020 по 15.08.2020 г.

Приемная комиссия: с.Ахты, ул.Ленина, 18.

## ЧАЙДИКАЙ

Къанвай, вахт алатнавай чай сагъламвал патал зиянлу яни?

Малум тирвал, чай виринриз Китайдай акъатайди я. Чайдин рекъай пешекарри лугъузвайвал, чай, гъелбетда, тазазмаз, демина амаз хъвана кIанда. Са бязибуру лугъуза хъи, амуькьай чайда са гъихътин ятIани зегъер арадал къезва. Алай аямдин химияди тестикъарзавайвал, амуькьнавай чайда са жуьрединни зегъер арадал атун жедай кар туш. Чайдик къвед-пуд процент кофеин, эфирдин ягълу, танин, витамин С, ризкъи гъялдай дубильный шейэр ва са тIимил къван С,Р витаминар ква.



## СА ТИМИЛ ХЪВЕР

Папа итимдиз туьгъ-метзава:

– Гъяддин югъ экуьнлай няналди вуна пивбарда гъикI акъудзавайди ятIа, зун сакIани гъавурда акъазвач, киле ацакъзавач.

– «Гъавурда акъазвач», «къиле ацакъзавач»... Жув гъавурда авачир крарикай, затIарикай вун вучиз рахазва бес?..

\*\*\*

Къве итим чеб чпихъ галаз рахазва. Садан къве гъиликни пивонин путулкайрив ацIанвай сеткаяр ква.

– Вася, вун пиво гъиз физвайди яни?

– Ваь, папа зун кIвалай чукIурна.

– Путулкаяр вучтинбуру я бес?

– Папа заз лагъана: «Квахъ и кIвалай, вахчу жуван ала-булани (барахло)!».

\*\*\*

Режиссерди – драматургдиз:

– За ви пьеса кIелна, амма завай ам сегънеламишиз жедач. Ваз вуч аватIа чидани? Зун театрдиз




М.НАРИМАНОВ

Уьлкведин кар алай про-ектрикай сад тир Ви-рроссиядин «Тарар – чан алай тІебиатдин памятникар» тІвар алай программадин ціи 10 йис тамам жезва. Ам Федерация-дин Советдин комитетри 2010-йи-суз тестикъарнай. Адан мурад еке яш авай надир тарар жагъурун ва хуьн, абуруз тІебиатдин хуьзвай объектдин статус гун я. Проект кардик кваз хъайи вахтунда про-граммадин сайтдив Россиядин Федерациядин 76 субъектдай 900 далай гзаф заявкяяр агакна. Абуруз кьалурнавай тарар Мил-ли реестрдик кутун теклифна. Гьа икІ, 216 тарци «Чан алай

тІебиатдин памятник» статус къа-чуна. Абурун жергеда Дагъустан Республикадай 5 тар авай.

Гьар йисуз программадин сергьятра аваз «Россиядин йисан тар» конкурс кыле тухузва. Ам халкъарин арадин «Европадин йисан тар» конкурсдин хкъанай девир тир. Алай йисуз и кон-курсда Дагъустан Республикади вичин 283 йис яш хъанвай Платан восточный лагъай тар кьалурна. Ам Дербентдин куьгъне паона Жуьмя мискІиндин территори-яда ава. Гьар йисуз экспертдин комиссияди Милли реестрдай «Россиядин йисан тар» конкурсда иштиракун патал 12 тар хкъава. Абуруз уьлкведин кылин тарцин тІвар патал теклифзава.



## СВАС ХКЯГЪУННИ ИМТИГЪАН Я

«Шерифали бубадин насигъатар» ктабдай

Асул-несил, ери-бине ахтармиш тавуна гъизвай свас атІун тавуна къачузвай къарпуз хъиз я. Я битмиш хъанвай вижевай ширинди жедда, я калди, ширин тушир лацуди. Уьмуьрдин юлдаш хкъазвай и жавабдар месэлада къисмет синемешун иллаки хаталу я. Свас хкъадайла гьалатІ хъайинди амай вири крарани, якъин, гьалатІ жедда. ИкІ тахъун патал руш-свас винел патан акунриз килигна ваъ, диде-бубади (руш дидедал фида лугъудай мисал ава), эдеблувилин лишанриз килигна хкъана кІанда. Месэладин гьакъиндай ихътин са риваят ава.

Са хуьре адет тирвал жегъилар чпиз сусар жагъуриз суварик фенвай. Ана сад садалай гуьзел, женел, пара рушар къугъвас-хъуьрез авай. Гадайрини абурукай чпиз хуш хъайибур хкъана. Амма са гадади, къекъвена-къекъвена, вичиз виридакай хкъатна, регъувал гваз, кыл агъузна умундиз акъвазнавай ва са артух виле акъан тийир хътин агъайини руш хкъана. Гадаяр чпин дустунин хкъагъунал пара тажуб хъана.

«Са куьнзини тушир шумал буйдин, такабур къавах тарарни дамах гваз акъвазнава. Абурун арада емиш алаз кыл агъузнавай ичин тар бегъем аквазвач. Рушарни гьакІ я: за жуваз бегъерлу ичин тар хкъанава», – айгъамдалди жаваб гана акъуллу гадади.

## ВАКЦИНА АРАДАЛ ГЪИЗВА



Москвадин клиникайра коронавирусдиз акси вакцина гуьгъуьллу ксарал ахтармишунив эгечІнава.

Ахтармишунар 38 касдикай ибарат тир кве дестеда авай гуьгъуьллу бурденкодн тІварунихъ галай военный госпиталда ва Москвадин Сад лагъай госмедуниверситетдин клиникада кыле фида. Идалай вилик кве дестени 14 юкбуз обсервацияда авай. Гьар са гуьгъуьллу тамамвилелди ахтармишна ва страховатнава. Абурун вакцинация 18-июндиз башламишна. Идалай кьулухъ абур 28 йикъан вахтуналди гуьз-чивилик жедда.

Аллагъ-Таалади лагъана: «...куьне харж авур затІар Ада квез эвез хъийнда...» («Саба», 39).

1. Ибн Мас'уда (р.а.) агакъарайвал, Пайгъамбарди (с.а.с.) лагъана: «Къве ери авайбурулай гъейри сададани пехил хъана кІандач: Аллагъ-Таалади девлет ва ам са затІни амачиз лазим къайдада харж ийидай мумкинвал ганвай инсандал ва Аллагъ-Таалади арифдарвал ганвай касдал ва ада гъа арифдарвилел бинеламиш хъана дуван ийизвай ва ам масабурув агакъарзавай» (Аль-Бухари, Муслим).

2. Ибн Мас'уда (р.а.) лагъана: «Садра Аллагъдин Расулди (с.а.с.) инсанривай хабар кьуна: «Низ вичин варисдин девлет вичин девлетдилай гзаф кІанзава?» Абуруз лагъана: «Жуван девлет гзаф кІан тийидай кас чи арада авач». А вахтунда ада лагъана: «Амма, гьакъикъатда, гьар са касдин девлет ада харж авур затІ я, амма ада эцигай затІ адан варисдин девлет я!» (Аль-Бухари).

3. Ади бин Хатима (р.а.) агакъарайвал, Пайгъамбарди (с.а.с.) лагъана: «Куьн Жегъеннедин Цукай хурмадин са паюнал къванни хуьх» (Аль-Бухари, Муслим).

4. Жабира (р.а.) лагъана: «Аллагъ-Тааладин Расулдивай (с.а.с.) вуч тІалабнайІани, ада садрани «ваъ» лагъанач» (Аль-Бухари, Муслим).

5. Абу Гъурайради (р.а.) агакъарайвал, Аллагъдин Расулди (с.а.с.) лагъана: «Гьар юкбуз Аллагъ-Тааладин лукІар пакамахъ ахварай аватайла, цаварилай кьве малаик эвичІзава. Абурукай сада лугъузва: «Я Аллагъ, харжзавайдаз эвез хъия!» Муькуьда лугъузва: «Я Аллагъ, мутІлакьди кьиникъал гъваш!» (Аль-Бухари, Муслим).

6. Абу Гъурайради (р.а.) агакъарайвал, Аллагъдин Расулди (с.а.с.) лагъана: «Аллагъ-Таалади лагъана: «Харж ая, эй Адаман (а.с.) хва, а чІавуз вун паталдини харж ийида» (Аль-Бухари, Муслим).

7. Абу Кабш Умара бин Са да аль-Анмариди (р.а.) агакъарайвал, ада зван хъана Аллагъдин Расулди (с.а.с.) икІ лугъуз: «За квез пуд затІунал кин къада ва квез са затІ лугъуда, куьне абур рикІел хуьх! За кьин къазва, садакъади лукІран девлет Тимилардач, нагагъ адахъ галаз гьахъсузвилелди рафтарвал авуртІа ва ада сабур хвейтІа, Аллагъ-Таалади адан машгъурвал артухарда, эгер лукІра инсанривай тІалабунин рақларар ахъайтІа, Аллагъ-Таалади адан вилик кесибивилин рақларар ахъайда! За квез мад лугъуда, куьне рикІел хуьх: гьакъикъ-

За квез мад лугъуда, куьне рикІел хуьх: гьакъикъ-



атда, дуьньяда къуд десте инсанар ава. Абурукай сад лагъайдак акатзава ахътин лукІ, низ Аллагъ-Таалади девлет ва чирвал ганватІа ва ада лугъузва: «Эгер заз девлет авайтІа, за флан касди хъиз ийидай – вичин ниятра михъи яз ва сад лагъайдаз хътин ниятар аваз, гъавилияй адаз гъа сад лагъайдаз хътин суваб жедда. Пуд лагъайдак ахътин лукІ акатзава, низ Аллагъ-Таалади девлет ганватІа, чирвилер тагана ва ада ам фикир тийиз харжзава, девлет хъунлди адаз вичин Раббидихъай кичІезвач, мукъвавилин алакъяр хуьзвач ва адаз чизвач, вичин девлетдиз вуч авун лазим ятІа Аллагъ-Таала паталди – ахътинди Эхиратда виридалайни пис гьалда жедда. Эхирни, къуд лагъай дестедик акатзава ахътин лукІ, низ Аллагъ-Таалади я девлет, я чирвал ганватІа ва ада лугъузва: «Нагагъ заз девлет авайтІа, за флан касди хъиз ийидай – пуд лагъайдан хътин ниятар аваз, идай адаз пуд лагъайдаз хътин гунагъар жедда» (Ат-Тирмизи).

8. Абу Гъурайради (р.а.) агакъарайвал, Аллагъдин Расулди (с.а.с.) лагъана: «Ни вичин гьалалдиз къазанмишнавай девлетдикай хурмадин са паюнин кьимет авай садакъа къванни гайитІа – Аллагъ-Таалади гьалалдилай гъейри маса затІ къабулзавач – Аллагъ-Таалади ам къабулда, ахпа Ада ам гъа садакъа гайи кас патал чІехи ийида, гьикІ куьне жуван балкандин тай чІехи ийизватІа, ва икІ давам жедда, та ам дагъ къван чІехи жедалди» (Аль-Бухари, Муслим).

## «ЦІИЙИ ДУЬНЬЯ» – ЭТО ВАША ГАЗЕТА, ПОДПИШИТЕСЬ!

Уважаемые жители рай-она! Продолжается подписка на Ахтын-скую районную общественно-политическую газету «Новый мир» на второе полугодие 2020 года!

Вот уже 90 лет, продолжая славные традиции национальной журналистики, она помогает Вам находиться в курсе местных и республиканских событий, получать достоверную информацию обо всех изменениях в общественно-политической жизни. Главное, она помогает нам сохранить для будущих поколений родной лезгинский язык. Если Вы человек неравнодушный, с активной жизненной позицией, подпишитесь на газету «Ціийи дуьнья». Здесь вы найдёте статьи и зарисовки о малой родине: о вашем селе, о вас, ваших родных и близких, соседях, о вашем коллективе. Это всегда интересно!

Оформить подписку Вы можете в отделениях почтовой связи (ОПС) и в редакции с любого месяца. Стоимость подписки через редакцию: на 6 месяцев – 200 руб., через ОПС на 6 месяцев – 275 руб.

## АРИФДАРРИН ГАФАРАЛДИ

- \* Мергъяматлувал – им хуси игътияжар кьулухъ туна, а патал алай касдин дидардиз агун я.
- \* Мергъяматлувилин асул мана адакай ибарат я хъи, чинеба авур и кардикай масабуроз чир хъайитІа, жуваз регъуь тежен.
- \* Мергъяматлувилин гъи кар хъайитІани, сифтедай ам ийиз тежедайди хъиз аквада.
- \* Мергъяматлувал гьар са касдилай алакьда, анжах гьахътинди жез кІан хъун важиблу я.
- \* Мергъяматлу касди тахсир – вичик, ажузда масадак кутаз алахъда.
- \* Мергъяматлу иви къисметда жезвай дуьшуьшдин кар я, мергъяматлувилин гьерекатри инсандин лайихлувал, адан дережа хкъажзава.
- \* Мергъяматлу кардай пул ва я пишкеш гайитІа, мергъяматлувал къакъудзава.

## 2020-ЙИСАН 2-ПАЙ ПАТАЛ «ЦІИЙИ ДУЬНЬЯ»

ГАЗЕТ КЪХІН ДАВАМ ЖЕЗВА

Ругуд варз патал почтадай газет къхинин кьимет 275 манат я.

Редакциядай квевай чи газет 200 манатдай къхиз жедда  
Чи реквизитар: ИНН - 0504007157 КПП - 050401001

Р/СЧЕТ - 4070181700001000026

Л/СЧЕТ - 2003Ш29490 БИК - 048209001

2007-йисуз Ахцегърин 1-нумрадин юкъван умуми образовани-дин школадиз 9-класс къутягъайвилин гьакъиндай **Рустамов Арсен Алиевич**з ганвай 05 ББ 0022237-нумрадин аттестат къвахънава. Адал АМАЛ АЛАМАЧ.

## Ціийи дуьнья

(Новый мир)

Учредитель:

Администрация  
Ахтынского района  
Республики Дагестан  
Главный редактор  
Д.Ш.ШЕРИФАЛИЕВ

Газета перерегистрирована Управлением федеральной службы по надзору в сфере связи, информационных технологий и массовых коммуникаций по РД 22 января 2019 г. Регистрационный номер ПИ № ТУ 05-00401.

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов. Рукописи не рецензируются и не возвращаются. При перепечатке ссылка на «Новый мир» обязательна.

Адрес редакции и издателя:  
368730, РД, Ахтынский район,  
с. Ахты,  
ул. Юсуфа Герейханова, д.33.

Телефон главного редактора  
8(988)-654-59-49

Электронная почта газеты:  
[newworld1928@mail.ru](mailto:newworld1928@mail.ru)

ИНДЕКС 63312

Газета «Новый мир» сверстана и отпечатана в ООО «Типография-М» по адресу: г.Дербент, ул.С.Курбанова, 25. Электронная версия газеты на сайте <http://akhty-news.ru/>, в разделе Выпуски газет на сайте администрации района <http://akhty-mr.ru/>

По вопросам качества печати обращаться в типографию ООО «Типография-М»

Время подписания в печать по графику 14.00. Подписано в печать 14:00 Газета выходит 52 раза в год.

Тираж 1200 экз.

Заказ №